

**Andamon ang Atong Kaugalingon alang sa Pagbalik sa Ginoo
ingon nga Matinumanon ug Mabuot nga Ulipon**

Basahong Kasulatan: Mat. 24:45-51

- I. **“Nan, kinsa man diay ang matinumanon ug mabuot nga ulipon, nga gitug-yanan sa agalon sa iyang panimalay nga mohatag nilag kalan-on sa gitudlo nga panahon? Bulahan kadtong ulipona nga makit-an sa iyang agalon nga nagbuhat sa ingon sa iyang pag-abot. Sa pagkatinuod moingon Ko ninyo nga padumalahon niya siya sa tanan niyang katigayonan”—Mat. 24:45-47:**
- A. Ang pamatigayon sa Dios diha sa pagtuo pamatigayon man Niya sa “panimalay,” administrasyon Niya sa panimalay, nga mao ang pagpaambit sa Iyang Kaugalingon diha ni Cristo ngadto sa piniling katawhan Niya aron makabaton Siyag balay nga magpadayag Niya, ug kining balaya mao ang iglesia ang Lawas ni Cristo—1 Tim. 1:4, 3:15; Efe. 2:19:
- B. Ang matinumanon ug mabuot nga ulipon piniyalan man diha sa balay sa Dios, tagdumala sa panimalay, nga nagpaambit og Cristo nga “kalan-on” sa Iyang mga magtutuo—1 Cor. 9:17; Efe. 3:2; 1 Cor. 4:1; 1 Ped. 4:10:
1. Ipakita ngadto sa Ginoo ang pagkamatinumanon (1 Cor. 4:2; 7:25), samtang buhaton nganha sa mga magtutuo ang pagkamabuot (itandi sa Col. 1:28; 2 Cron. 1:10; Fil. 4:5).
 2. Inigpadayag sa gingharian sa mga langit, padumalahon sa Ginoo ang mati-numanong ulipon sa tanan Niyang katigayonan; ganti unya kini sa Iyang ulipon—Mat. 25:21, 23.
- C. Ang *mohatag nilag kalan-on* nagpasabot sa pagpangalagad sa pulong sa Dios ug ni Cristo isip sangkap sa kinabuhi sa mga magtutuo diha sa iglesia; si Cristo nga Espiritung taghatag-og-kinabuhi maoy atong kalan-on, nga gipakalawas ug maamgohan diha sa pulong sa kinabuhi—24:45; Juan 6:57, 63, 68:
1. Aron makapahimulos sa Ginoo nga espirituhanong kalan-on nato para makapakaon ta sa uban, dawaton gyod nato ang Iyang pulong pinaagi sa tanang pag-ampo ug mamalandong sa Iyang pulong, ipamulong kinig kusog inubanan sa daghang pagpamalandong pag-usab—Efe. 6:17-18; Sal. 119:15 (basaha ang nota), 48, 148; Jos. 1:8; Lev. 11:2-3; Ezeq. 3:1-4; Col. 3:16.
 2. Lig-on gyod tang magpadayon sa pag-ampo ug sa pagpangalagad sa pulong—Buh. 6:4; itandi sa Heb. 7:25; 8:2.
 3. Mopropesiya gyod ta aron matukod ang iglesia—ipamulong ang nakita nato sa buhing mga pulong ning kinabuhia diha sa dihadhiha ug lunhawng pagdasig, pagdihog, ug paghayag sa Espiritu Santo pinaagi sa paggamit sa atong espiritu—1 Cor. 14:4b; Buh. 5:20; 4:20; 22:15.
 4. Iampo gyod nato ang atong kaugalingon ngadto sa Dios aron madawat nato ang Espiritung taghatag-og-kinabuhi nga atong sangkap, atong espirituhanong kalan-on, aron makakaon ta ug ang mga giatiman nato—Luc. 11:1-13.
 5. “Mga tigpangayo” nga taghatag-og-kinabuhi gyod unta ta, mga palatayanan sa Espiritung taghatag-og-kinabuhi nga makahatag og kinabuhi sa uban—1 Juan 5:16.
 6. “Mga anak sa lunhawng lana” gyod unta ta, ang sigeng napuno sa lunhaw, naa karon, ug nahingpit nga Espiritu nga lana sa pagmaya, nga mopaagay sa Espiritu ngadto sa tangkawan alang sa masidlakong panghimatuod niini, ang panghimatuod ni Jesus—Zac. 4:6, 12-14; Fil. 1:25; Bug. 3:18; Mat. 25:9:

- a. Adlaw-adlaw mobayad gyod ta sa bili aron labi pang makabaton sa Dios nga bulawang lana diha sa diosnong kinaiya Niya aron mahimo tang putli nga bulawang tangkawan aron matukod ang bulawang Bag-ong Jerusa-lem—2 Ped. 1:4; Bug. 3:18; 1:20; 21:18; Mat. 25:8-9.
- b. Sa iaplikar nato kining butanga sa kasinatian nato karon, makita nato nga ang Espiritu nga niagay gikan nato mao ang Dios, ug bulawan ang Dios; busa, sa ipangalagad nato si Cristo sa uban, sangkapan silag lana, sa pagkatinuod gisangkapan nato sila sa Dios; niagay ang Dios gikan nato ngadto nila—Zac. 4:12-14; Juan 7:37-39; 2 Cor. 3:3, 6, 8; Luc. 10:34.

II. “Apan kon moingon kadtong daotang ulipon sa iyang kasingkasing, Malangan pa ang akong agalon, ug mamunal dayon sa iyang mga masigka-ulipon ug mokaon ug moinom uban sa mga palahubog, moabot ang agalon niadtong ulipona sa adlaw nga wala niya damha ug sa takna nga wala niya mahibaloi, ug putlon siya ug ihatag ang iyang bahin ipon sa mga maot. Duna unyay paghilak ug pagkagot sa mga ngipon niadtong dapita”—Mat. 24:48-51:

- A. Ang pag-ingon nato sa atong kasingkasing nga malangan pa ang atong Agalon paghigugma man sa daotang panahon karon ug dili paghigugma sa pagtungha sa Ginoo—2 Tim. 4:8, 10:
 1. Ang Griyegong pulong alang sa *pag-anhi parousia*, nga nagpasabot og “presensya”; aron mahigugma sa pagtungha sa Ginoo, sa Iyang pag-anhi, mahigugma gyod ta sa Iyang pagtungha, sa Iyang presensya, karon—Mat. 24:3, 37; Buh. 26:16; 2 Cor. 2:10; *Mga Alawiton*, #389.
 2. Basta naa tay karon, higugmaon gyod nato ang Ginoo ug ang Iyang pagtungha, maghulat sa Iyang pag-anhi ug himoong pasidaan, pagdasig, ug pampadasig ang Iyang pag-anhi—2 Tim. 4:8; Fil. 3:20; Bug. 22:12.
 3. Magtukaw ug mangandam gyod ta alang sa Iyang pag-anhi—Mat. 25:13; 24:44; Bug. 19:7.
 4. Magbantay gyod ta sa pagkahangol, dili magtipig og bahandi alang sa atong kaugalingon kondili magpakadato hinuon ta ngadto sa Dios—Luc. 12:16-20; 2 Cor. 6:10; Efe. 3:8.
 5. Hinumdoman gyod nato ang asawa ni Lot, dili mahigugma ug magmahal sa daotang kalibotan nga hukman ug hingpit gyong laglagon sa Dios—Luc. 17:28-32.
 6. Magmatukawon ug mangamuyo gyod ta aron dili kalit nga moabot kanato ang adlaw sa pag-anhi sa Ginoo sama sa lit-ag—21:34-36; itandi sa Mat. 2:3.
 7. “Ari na, Ginoong Jesus!”—kini gyod unta ang pangandoy, pagtuaw, ug maka-nunayong pag-ampo sa mga nahigugma sa Ginoo ug sa Iyang pagtungha—Bug. 22:20; Tito 2:12-13.
- B. Ang pagpamunal sa mga masigka-ulipon nato pagpanagmal man sa mga masigka-magtutuo nato—itandi sa Buh. 9:4:
 1. Dili gyod ta manghukom ug manaway sa mga masigka-magtutuo nato; magmalulot hinuon ta nila, magmalumog kasingkasing, mopasaylo nila maingon nga gipasaylo ta sa Dios diha ni Cristo—Luc. 6:37; Efe. 4:31-32.
 2. Dili gyod ta magbiaybiay o manaway ba sa atong mga igsoon; isipon hinuon sila nga maayo pa kaayo nato—1 Cor. 6:10-11; Fil. 2:3, 29.
 3. Dili gyod ta magharihari sa mga masigka-magtutuo nato (sama sa modesisyon para nila); alagaran hinuon nato sila ingog ulipon nga magpakaon nila sa nabanhawng Cristo nga Espiritung taghatag-og-kinabuhi—1 Ped. 5:3; Mat. 20:25-28; itandi sa Num. 17:8.

- C. Ang mokaon ug moinom uban sa mga palahubog pakig-uban-uban man sa mga tawong kalibotanon, nga nahubog sa kalibotanong mga butang:
1. Tungod sa diosnong kinaiya ug balaang posisyon sa mga magtutuo, dili gyod angay nga mayugohan sila uban sa mga dili magtutuo; iaplikar gyod kini sa tanang suod nga mga pakigrelasyon sa mga magtutuo ug dili magtutuo, dili lang sa kaminyoon ug sa negosyo—2 Cor. 6:14; 1 Cor. 15:33; itandi sa Prov. 13:20.
 2. Mokalagiw gyod ta sa mga pangibog sa pagkabatan-on ug mopursigir ni Cristo nga malangkobon-sa-tanan uban sa mga nagtawag sa Ginoo gikan sa putling kasingkasing—2 Tim. 2:22.
- D. Gantihan ang matinumanon ug mabuot nga ulipon sa pagbulot-an nga maghari inigpadayag na sa gingharian, samtang putlon ang daotang ulipon gikan sa mahimayaong Cristo, gikan sa himaya sa Iyang gingharian, ug sa Iyang mahimayaong presensya diha sa Iyang gingharian—Mat. 24:47, 51:
1. Ang putlon gikan sa pagpadayag sa gingharian kana mang itambog sa kangitngitan sa gawas, diin dunay paghilak ug pagkagot sa mga ngipon:
 - a. Ang kangitngitan sa gawas mao ang kangitngitan nga naa sa gawas sa masanagong himaya sa pagpadayag sa gingharian—16:28; 25:30.
 - b. Nagpasabot ang paghilak og pagmahay, ug nagpasabot og pagbasol sa kaugalingon ang pagkagot sa mga ngipon.
 2. Ang maghari uban ni Cristo sa kanasoran sa gingharian sa millennium ganti unya sa matinumanon ug mabuot nga mga ulipon Niya—Bug. 2:26; Luc. 19:17-19.